

Inzko se sastao sa predsjednikom Mesićem



Visoki predstavnik i specijalni predstavnik EU, Valentin Inzko, sastao se danas u Sarajevu sa predsjednikom Republike Hrvatske, Stjepanom Mesićem. Visoki predstavnik i specijalni predstavnik EU informirao je predsjednika Mesića o situaciji u Bosni i Hercegovini. Sagovornici su također razmijenili mišljenja o situaciji u regiji te o procesu evropskih integracija.

Visoki predstavnik i specijalni predstavnik EU Inzko izjavio je da Hrvatska ima ključnu ulogu u regiji. Hrvatska predstavlja primjer kako jedna država može ostvariti napredak na putu ka EU i NATO savezu zahvaljujući vlastitim nastojanjima. Visoki predstavnik i specijalni predstavnik EU Inzko je dodao: "Ova će godina biti od ključnog značaja za integraciju Bosne i Hercegovine u Evropsku uniju. Zemlja mora poduzeti konkretne mjere i realizirati prioritete koji se tiču evropskih integracija. Budućnost BiH i cijele regije je unutar Evropske unije", izjavio je visoki predstavnik i specijalni predstavnik EU Valentin Inzko.